



Rabu, 17 Agustus 2022
Ogen: Galatia 5:13-15



Njagai Kebebasen



“Merdeka....Merdeka...Merdeka..” Salam merdeka man banta kerina. Meriah kal ukurta bas wari enda bengket me kita mperingeti kemerdekaan bangsa Republik Indonesia si pe-77 tahunken. Upacara kemerdekaan pe ilakoken, bendera Merah Putih pe ikibarken, ihormati ng ataken kebanggaanta nandangi bangsata. I jah i je ilakoken me perayaan kemerdekaan enda alu upacara, pawai, perayaan pertandingan ras sidebanna. kerina enda nuriken keriahenta i bas mperingeti kebebasan sialoken bangsata.

Payo tuhu “bebas” e maba keriahen si la terbelasken alu kata-kata. I bas kiniteken pe, Paulus ngataken man perpulungen Galati maka Dibata enggo milih ia segelah bebas. Kebebasen e lit erkiteken pemere Dibata kap, labo erkiteken perbahenen entah pe usaha manusia. Erdandanken si e ipersingeti segelah jagai kebebasan e. Bebas e sada tanggung jawab si iendesken segelah banci i jaga, labo rate-ate tapi terarah. Palas bas kita njagai kebebasan e me keleng ate. Keleng ate e njemba-jemba kita segelah ngasup sisampat-sampaten guna keke tambah majuna, tambah ulina. Kekelengen e singerakut kita bas kiniersadan, ngasup ngaloken teman bas kinierbagen dengen mabai kita megegeh seh maka reh pe penjajah siatena nerang kegeluhenta lanai tertalukenna. Biak siarus si pantangken e me kegeluhen bagi perbahenen rubia-rubia; sikaraten dengen siatahen (ayt 15), e maka perlu kel lalap metenget segelah la kernep kerna persadanta e.

Mekatep sikataken seran mpertahanken asangken ndatkenca. Wari enda tanggung jawabta uga kita mpertahanken kemerdekaan entah pe kebebasan e. la terjeng ipertahanken tapi pe isi alu kerina si banci mereken kemajun nandangi bangsanta enda. Kerina biak-biak si mehuli arus si pelihara si banci maba kiniulin bas geluh enda. Perukurenta uga segelah reh majuna bangsata, salah sadana arah njagai kebersihan.